

Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje Tuzlanskog kantona
Tuzla

Broj: 02-14-12-46-8/18
Datum, 17.10.2018. godine

Na osnovu člana 21. stav (1) tačka c), člana 64.stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), preporuke Komisije za javne nabavke utvrđene u Zapisniku broj: 02-14-12-46-7/18 od 15.10.2018. godine i člana 25. Statuta JU Služba za zapošljavanje Tuzlanskog kantona, u postupku javne nabavke usluge održavanja softvera za novčanu naknadu, softversku podršku i konsultantske usluge, direktor donosi:

O D L U K U
o izboru najpovoljnijeg ponuđača

Član 1.

Ugovor za nabavku usluga održavanja poslovnog softvera za novčanu naknadu, softversku podršku i konsultantske usluge u vrijednosti od 6.380,00 KM bez uračunatog PDV-a, dodjeljuje se ponuđaču „Imel“ d.o.o. Lukavac, na osnovu provedenih pregovora te dostavljanja prihvatljive konačne ponude.

Član 2.

Sa izabranim ponuđačem, zaključit će se ugovor o nabavci predmetne usluge navedene u članu 1. ove Odluke.

Član 3.

Ova Odluka stupa na snagu danom donošenja i objavit će se na web stranici JU Služba za zapošljavanje Tuzlanskog kantona – www.szztk.ba, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Odlukom broj: 02-14-12-46/18 od 26.07.2018. godine, pokrenut je pregovarački postupak bez objave obavještenja za nabavku usluga održavanja poslovnog softvera za novčanu naknadu, softversku podršku i konsultantske usluge o čemu je objavljena Informacija na web stranici Službe za zapošljavanje TK.

Postupak nabavke provela je Komisija za nabavke imenovana Odlukom broj: 02-14-12-46-2/18 od 27.09.2018. godine.

Nakon što je provedena I faza (ocjena kvalifikovanosti ponuđača), te druga faza (dostavljanje početne ponude), pristupilo se realizaciji III faze, a to je pregled i ocjena konačne ponude.

U postupku javne nabavke utvrđeno je sljedeće:

- da je ukupan broj pristiglih konačnih ponuda 1 (jedna);
- da je blagovremeno zaprimljeno 1 (jedna) konačna ponuda;
- da nije bilo neblagovremenih ponuda;
- da nije bilo neprihvatljivih ponuda.

Na osnovu člana 21. stav (1) tačka c), konačnu ponudu u predmetnoj nabavci dostavio je „Imel“ d.o.o. Lukavac, sa ukupnom cijenom od 6.380,00 KM bez PDV-a.

U skladu sa navedenim članom, „Imel“ d.o.o. Lukavac ispunjava sve potrebne uslove da bi se sa istim zaključio Ugovor, obzirom da ima ekskluzivno pravo na softver za novčanu naknadu koji je na upotrebi kod Ugovornog organa.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu pristiglih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Iz navedenih razloga odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 10 (deset) dana od dana prijema ove Odluke.

Žalba se podnosi u dovoljnom broju primjeraka, a koji ne može biti manji od tri.

Naknada za žalbu je propisana članom 108. Zakona o javnim nabavkama.

Dostaviti

1. „Imel“ d.o.o. Lukavac
2. Odjeljenje za opće i pravne poslove
3. Odjeljenje za analitičko-planske i ekonomske poslove
4. a/a

Pripremila:

mr.iur. Ahmetović Berisa, bachelor prava

Stručni saradnik za javne nabavke, opće i pravne poslove

DIREKTOR

Senad Muhamedbegović, dipl. pravnik